



## A GRANDE ZENA E A GRANDE PARIGI...

### da via Liggia ai Champs Elisées

#### *Memoie de un zeneise de... quarto di Mille*

di Enrico Carbone - RICE

Quarache tempo fa in sce diversci giornali françeixi (specialmente parigin), l'è sciortio feua a notissia che a çittae capitale da Fransa a l'è troppo piccinn-a e a sfigua de fronte a-e grandi cittaie (New York, Tokio, Nuovo Mexico e compagnia bella).

Parigi comme 'na çittae de provincia atro che *grandeur!*

Ciu o meno into maeximo tempo, foscia quarache anno prima (da-o 28 a-o 30 de novembre 2006) gh'è staeto a Zena un Convegno de studi curòu da Elisabetta Ariotti, Luigi Canepa e Raffaella Ponte da-o titolo *La Grande Genova 1926-2006 - GE900*.

Ne faxeivan parte:

*Comune di Genova, Assessore alla Cultura  
Ministero per i Beni e Attività Culturali  
Soprintendenza Archivistica per la Liguria  
Università degli Studi  
Fondazione Banca CARIGE*

*Genova Palazzo Ducale.*

Sede do Convegno, Palazzo Ducale, Sala do Minor Conseggio.

I partecipanti a-o Convegno son da bon livello e trattan i temi con competenza e capaçitae piggiando in esame grandi çittae in Europa; e annessioin do 1874, l'architettua di Comuni e a formassion da "GRANDE GENOVA".

O volumme di Atti do Convegno o l'è in Sede a disposission di Soci.

I motivi de l'annescion de 'na dozzen-a e passa de antighi Comuni éan veri e necessari: de fronte a Milan e a Turin, Zena a corriva o rischio de "ese taggià feua da-o sviluppo industriale. L'I.R.I. o nasce inti anni Trenta e o forma oggetto de invidia da parte di stati liberali comme l'Inghilterra e i Stati Uniti. Avei sacciù unì o vantaggio do capitalismo a-o benessere sociale, foscia o l'è motivo pe-o quae ancheu l'Italia a fa parte de primme nassioin do Mondo: poi émmo guastòu a demoa: troppa politica (de basso livello) a scapito de unna bonn-a economia... Ma torneremo a-a grande Zena. Inderrè no se peu tornà.

Mae nonno o l'aveiva puia de neuve tasce e mae poae o se rendeiva conto che i contributi scindicali avievan ammazzou a libera iniziativa.

A rende ciù façile l'annescion ean i personaggi da vicenda.

O Segretaio Silvio Ardy o l'è staeto in carèga da-o 1928 a-o 1945.

O Prefetto de Zena Arturo Bocchini o saià o potente cappo da Poliscia, o primmo Poistae (poi anche Senatò) Eugenio Broccardi (che ho avùo moddo de conoscolo personalmente), o l'èa personn-a de grande attivitae e de pari onestae.

Ferruccio Lantini, amigo de famiglia de çerti mae parenti o l'ha avùo un scontro con o Cappo do Governo a propoxito de 'na neuva tascia: l'Imposta Generale sull'Entrata (I.G.E.) che *essendo a cascata*, a colpiva e classi ciù deboli. Lantini o se dimisso da l'incarigo e l'IGE a l'è restà: oua I.V.A. Imposta sul Valore Aggiunto. I tempi cangian, quaexi sempre in pezo.

Pe chi g'ha poca memoia:

#### **DECRETO LEGGE PER LA GRANDE GENOVA**

REGIO DECRETO LEGGE 14 GENNAIO 1926 N. 74,  
PER L'UNIFICAZIONE DEL COMUNE DI GENOVA.

Art. 1

I Comuni di Apparizione, Bavari, Bolzaneto, Borzoli, Cornigliano Ligure, Molassana, Nervi, Pontedecimo, Pra, Quarto dei Mille, Quinto al Mare, Rivarolo Ligure, San Pier d'Arena, San Quirico, Sant'Ilario Ligure, Sestri Ponente, Struppa e Voltri

sono riuniti nell'unico  
COMUNE DI GENOVA.